


民國二十六年六月


南洋群島遊記

戴傳賢題



南洋群島遊歷圖





卓宏謀在星加坡遊歷攝影時二十七年歲



瓜哇梭羅
王及王后
在水晶殿
設宴款待
時贈給鑽
杖一把相
片兩張以
作紀念時
辛丑三月
廿四日也


739.9
500
2



3 0662 9013 5

序

吾國廣土衆民富殖之道宜可操左券乃政治與民生率不關痛癢坐使歲輒餓殍流亡南疆偏氓往往散投海外以蘄棲食雖孤島遐洲隔別鄉土不敢恤然其履屯作苦堅忍成習於以勵人事於以資地利開業起家儼然比於素封者則大有人是皆飭奮自好能屹然處物競之世而不墮者而族姓所蕃衍農商所收擅彼巧於政治者卽從而操縱之以收其假手經營富殖之功此在識者已不勝太息况俯首其間者乎卓子本愚出示南洋群島游記讀之知往返歷水陸百日巡蒞洲島若英屬若荷屬若法屬厥爲星加坡檳榔嶼蘇門答臘瓜哇西貢經海外商埠數十處時與僑胞聚晤盛者握手一堂至于數百人警欬之間詳其利病退則誌之間發系言淡而有見類亦諮其土人面其酋長或遨遊宮殿徒倚浮圖臨水登山隨緣涉趣蹄轍未嘗虛也卓子之遊距今已十有五年今之政治至於縱橫捭闔相乘日勞姑無論矣求如清季之遣使派艦名爲慰勞海外華僑者亦寂然無聞焉然則手斯編能勿令人南望滄溟而興綏輯後時之感耶中華民國十五年十二月王大貞謹序



南洋羣島遊記

卓宏謀筆述

辛丑年。宏謀由部奏派赴南洋羣島。撫慰華僑。正月十九日啟行。廿五日到滬。勾留七日。於二月初二日乘海琛巡洋艦放洋。四月廿七日返滬。經歷島嶼十七處。爲時只四個月。舟車勞頓。紀事未詳。回國後。乃取途中所作遊記。隨筆掇拾。以誌此行。

正月十五日

農工商部堂諭。派趙從蕃赴南洋羣島撫慰華僑。本部丞參魏梯雲。以函來敦勸宏謀與同行。宏謀未能決。遂就商諸王幹臣先生。并細詢南洋羣島情形。以決行止。

十六日

晚王幹臣先生在廡招飲。座中有祝君瀛元。邵君福瀛。力君鈞。及趙君仲宣數人。均欲宏謀有是行。於是南洋之行。遂決。

十七日

謁辭本部各堂官。均蒙溫語慰勉。宏謀決行之心。至是而愈壯。

十八日

料理行裝。并約請趙君仲宣。於明早同行。

十九日

早九點鐘。搭京漢專車南下。是夕七點一刻到彰德府。一路野趣極佳。鄆州果實尤茂。

二十日

早七點鐘。由彰德府開車。午經黃河鐵橋。河水甚急。擊橋柱作咽聲。車過河時。行稍緩。過橋面首尾約五分鐘。爭車渡河者。擁塞無序。形勢甚險。鄰近田夫均輟耕佇立而望。已而穿入山洞。轉瞬即出。鄉人多依山穿穴而居。六點鐘到駐馬店。車停。遂於人和昌客棧卸塵裝馬。嗣往訪鐵路警長俞君及車務長王君。與余同鄉皆閩人也。

二十一日

早七點十分開車。行不遠。車又入洞。歷數分鐘。復見天。山色野景極美。是時青青秧田初發芽。足見黃河以南。暖甚早也。車中遇友人梁君閩人關君粵人。談飛行艇構造情形甚悉。梁係由聖彼得堡船業科畢業回國者。五點鐘到漢口大智門。適夏口廳同知王君國鐸。派差及肩輿馬匹來迎。是夕宿新太方棧。

二十二日

早大雪稍霽時。出門回候夏口廳王君。便道復至辛興里造訪方泚亭年伯。談頗久。晚同王君往觀鐵工廠。十點鐘始回。收拾行李。垂卽登舟赴滬。王君國鐸到船送別。意殊拳拳。夜中四點啓柁。余在酣睡中。以舟動而醒。

二十三日

早起天冷。下大雪。見兩岸飛花。景物極秀。九點到九江。停輪起貨。至下午三點三十分離埠。有幾羣商人。持貨擁塞而行。惟恐後至。所持以磁器爲多。余略購數件。比較北京價格。約便宜三分之一。是晚天更寒。遂以酒促睡。

二十四日

早起閱報。知仲宣已簡任爲廣西勸業道。午後到南京車稍停。四點鐘復起行。

二十五日

早八點檢束行李。午到上海。駐旅泰客棧。與仲宣同車。到洋務局。拜訪楊杏城侍郎。熟商撫慰華僑之事。晚應劉子英先生酒局。飲甚酣。

二十六日

早起修理書牘。午約劉子英在嶺南蕃菜館午餐。旁晚海軍統領程璧光。及海琛管帶楊敬修來訪譚。并訂明晚在一枝春飯館酒叙。

二十七日

早八點。往訪程統領楊管帶高夢且聶雲台諸先生。晚到一枝春酒叙。座中多海軍官員。通問姓名。多屬吾鄉人也。談尤暢。

二十八日

早起到棋盤街祥豐衣莊。定製夏衣多件。以備途中需用。午餐後。腹覺微痛。殆爲酒肉所困。下午休息未出門。

二十九日

早起到劉子英處吃八果粥。始憶是日爲拗九佳節

閩俗謂爲拗九節
北京謂之臘八粥

晚同友人往觀鐵工

三十日

早八點招商局許觀察來談。商量以其公子稚威同行到各島一游。午往訪聶雲台先生。談改良營業建築法。良久。用午膳後。回寓未出門。

二月初一日

早九點清理文牘。午後先將行李。運往高昌廟海軍公所。預備啓行。晚應張啓沃同學酒局。

初二日

早九點赴高昌廟。同程統領乘坐小輪船。接登海琛軍艦。船艙整潔無比。聞三海（海容海琛海籌）以海琛爲最。誠非虛語。查海琛軍艦。長三百二十八英尺。寬四十尺八寸。吃水十九尺。重載二千七百噸。有雙付四汽機。爲兩端升火式鍋爐。

實馬力七千五百匹。每點常行十二海里

按每海里合中國三里三

快行十九海里。內有德國克膚

伯十五生持口徑。四十倍身長大礮三尊。分配前後。中又有十生持口徑。四十倍身長快礮八尊。分配左右。其上艙有哈乞開司三十七密里口徑。快礮六尊。麥克沁輕機快礮六尊。分配前後。艙前有探海燈二座。光力約二萬枝。全船電燈。共計三百餘盞。船中管理員有二種。(一)在艙上者。有管帶楊己三。幫帶林棟臣。魚雷大副常可補。槍礮二副鄭叔良。駕駛二副楊鏡心。煤餉二副李小東。舢板三副高又欽。船械三副王定侯。西醫官陳芙屏。中醫官翁文灝。總文案吳仲蟾(二)在船底者。有總管輪王衡友。大管輪二人。吳鏡三戴桐樵。二管輪二人。林逸昆唐濂卿。三管輪五人。葉鴻臣韓仲英鄭友一邱福明楊馥蕙。船上水兵計分三等。計三百餘人。十一點啟碇。晚六點出吳淞口。因水淺又行停泊。與許君稚威圍棋二局就寢。

初三日

早晴。下午三點鐘。水漸滿。始離吳淞口前駛。一日計行一百十七海里。

按每日以廿四小時計算

寒暑表五十一度。是夜天清月朗。遠見燈火。蓋已至溫州灣也。

初四日

侵晨。天氣濛濛帶霧。船不敢疾駛。平時每點鐘開十一碼。此時祇開七碼。晚至白狗山。卽福州外口地方。寒暑表五十三度。本日計行二百七十九海里。

初五日

早到廈門。晚至汕頭。查汕頭鐵路係由華僑張振勳獨資創辦者。此處與台灣島遙遙相峙。水過窄海。衝盪尤甚。人頗苦暈。聞英吉利口岸。與巴黎口岸。相隔只四五點鐘。海道人每苦之。蓋過窄海。船恒暈。亦此理也。寒暑表六十四度。本日行二百四十三海里。

初六日

下午三點鐘到香港。下旋九龍灣。聞該港於庚子時。爲英人佔拒。港口有英國砲台三座。查香港爲一孤島。環島爲鹹水。英人特於山上。建立甜水廠。以供全島之用。島中面積僅十五里。然建築構造。備極美麗。且有登山火車。以鐵繩伸縮

。爲火車升降之原動力。此島爲南洋商務之樞紐。商品入口。不必納稅。故物價便宜。是以商務特盛。寒暑表七十四度。本日計行一百五十海里。由吳淞口至香港。行三日。約八百里路程。

初七日

早十點登陸。到中華酒店。訪吳理卿京卿。晚大清銀行陶君招飲。遂往應局。詢問南洋羣島情形。並商酌應往地方。吳君爲南洋商家。頗有威望。素爲衆商所傾服。故有過是處者。多就吳君諮詢一切。

初八日

早同船長楊君已三。總管輪王君衡友。及巨商吳君兆芹。乘火車憑鐵索進行而上。及中途俯視城市爲小。神爲之眩。遊觀各處古蹟及花園。在山嶺下瞰。覺身如飛鳥。瞬息間雲霧咸集。面不見人。經一二分鐘後。明晰如初。游畢下山。晚吳理卿在寓設筵款待。并邀港商劉鑄伯等陪席。談笑極暢。回寓時已十二點鐘矣。

初九日

早往謁香港總督。由楊艦長飭水兵持片訂晤。旋得覆函云。適有公事纏手本日無暇晤談。遂未見。晚港商易君次乾等。在石塘咀品升酒店設筵招飲。各商人極表歡迎之意。

初十日

早天大雨。少頃復霽。港督來函。訂接晤時刻。十一點同楊艦長往謁。賓主頗歡洽。港督詢問軍艦將來欲到之地。余悉舉以對。旋即別去。三點廣東商家數十人來船參觀。各贈相片一張。留作紀念。觀畢敬禮而去。

十一日

十二點別香港。啓輪出口即遇風。顛簸殊甚。舟中之人多嘔。本日計行一百五十四海里。寒暑表爲七十二度。

十二日

舟行甚穩。風平浪靜。早起用海水洗澡覺甚清爽。本日行二百七十八海里。天氣漸煖。寒暑表增至八十度。

十三日

早十點過安南西貢。爲由香港到星加坡一半路程也。晚天清月朗。在艙面乘涼。夜闌始就寢。是日行二百八十海里。寒暑表八十三度半。

十四日

早過暹羅灣。無浪。舟穩如陸行。至是得行舟樂趣。在船面乘涼。與稚威圍棋一局。本日行二百六十九海里。寒暑表八十四度。

十五日

早起在艙面納涼。見有飛魚躍出水面。無畏懼態。氣候和暖。天機活潑。物類濇動。含有悅意。人對之亦欣欣然有生氣。本日行二百九十二海里。寒暑表八十七度。此後熱度日增。蓋船入南洋。駛近熱帶地方故也。

十六日

早起用海水洗澡甚爽。下午四點到星州。將近港時。鳴砲二十一響。且升國旗。此爲首次進港通例。英國亦升旗鳴砲答禮如數。居頃。戴領事春榮率所屬官員。

暨在地各巨商數十人。乘小輪登艦迎候。遂與其同登岸。船上又鳴砲八響。對戴領事示優禮也。登岸後。乘汽車到中華商務總會參觀。本日行一百六十九海里。寒暑表爲九十度。由香港至星州。計行五日半。約距離一千六百海里。茲將該會商幫人名。錄其名姓如下。(一)張弼士(二)陳鶴珊(三)吳壽珍(四)張茲文(五)林志義(六)盧新科(七)廖義興(八)梅南樂(九)陳永錫(十)梅百福(十一)陳敬堂(十二)薛中華(十三)張扶來(十四)劉長意(十五)蔡子培(十六)林裕祥(十七)姚德勝(十八)陳龍瑞(十九)黃溶源(二十)薛武浣(二十一)黃蒲田(二十二)王邦傑(二十三)藍金昇(二十四)郭克恭(二十五)吳顯祿(二十六)陳德潤(二十七)顏煌年(二十八)謝爲章(二十九)謝有祥(三十)陳榮光(三十一)雲棠本(三十二)張善慶(三十三)吳顯禎(三十四)林維芳(三十五)黃松亭(三十六)陳瑞標(三十七)趙沛棠(三十八)李江泗(三十九)張霞生(四十)周潤亨(四十一)劉熙青(四十二)陳甲庚(四十三)邱楊陣(四十四)陳仙鐘(四十五)黃安基(四十六)朱子佩(四十七)王治經(四十八)陳合德(四十九)楊清海(五十)陳景仁(五十一)吳忠信(五十二)劉坤意(五十

(三)李厥侯(五十四)顏石覺(五十五)左子興(五十六)戴榮春共計五十六人。晚戴領事在商會設筵款客。華商咸集。啣觴相接。其形如弓。團聚暢飲。祝聲雷動。盡歡而散。酒後乘汽車到楊雲史花園茶叙。楊君係南洋大樹膠公司充領事署書記官。

十七日

早七點。同楊艦長往見坡督後。便道參觀學堂七處。贈教科書及教育用品數十份。星洲天氣炎熱。故多瘴癘之氣。早起恒用涼水浴身。但不宜於飽食後行浴。否則易致腹漲之疾。早晚宜服金鷄那一二粒或葡蘭地酒少許。以防瘴氣內侵。查該地人。每操馬來語。鳩舌鈎舟。甚難通曉。惟客居之人。及各商人多作英語。土人天熱多露體。下部多圍以布巾。或綢製裙巾。謂之馬來裙。男女服無甚區別。是晚應羅卓甫君招飲渠亦南洋樹膠公司董事也。談甚酣。至夜深。因留宿其家焉。

十八日

早八點。乘汽車回廬。十一點坡督遣中將及秘書官來答拜。一點余君勉然。訂在

明麗園午餐。晚六點鐘商會開會公議。軍艦中人。亦多在座。是夜奏軍樂。張燈結彩。市人來觀者。肩摩踵接。不下數千人。星加坡爲南洋總匯之區。隸屬於英。已七十餘年。風氣開通最早。故商務亦最發達。華商僑居者約三十萬人左右。待遇華人之例。較他處爲稍優。商會亦有實權。他島恐不及也。

十九日

早十一點鐘。拜晤華民政司。詳談近年來坡埠商業情形。大利多在於樹膠椰子婆羅等物。出產此數種栽植較易。價值亦相當。華商藉此致富者。不下數十戶。午後參觀博物院。奇禽異獸。大半爲素所未寓目者。度皆生產於熱帶地方。故有此特產也。晚廣東商幫在醉花林公譙。演說奏樂。頗極一時之盛。且軍艦中人。皆能暢飲。而各商豪飲尤多。杯籌交錯。連飲不輟。余非其敵也。酒後各乘汽車到海濱一遊。天氣極佳。而酒氣頓消。此處氣候瞬息百變。一日之間。早起每覺清爽。午時酷熱。晚間多雨。夜時則還涼。一日殆有四季之分。一年之中。氣候恒相似。久居此者。幾不辨爲春夏秋冬也。

二十日

早大雨如注。已而即霽。下午三點廣恒商號。假花園設讌款待。天氣清明。散步園中。菓樹甚多。有俗呼爲榴連菓者。聞土人極嗜食此。其味帶臭。近之觸鼻。食慣亦不覺臭。而反見其美。酒畢乘汽車。週遊各地。見土人恒築籬作室。高不得過丈。有謂爲白人所限制者。可爲感嘆。十一點回寓。收拾行李。以備明早啓行。

二十一日

早八點登軍艦。九點啓輪。擬開往麻株巴轄。下午四點到麻株巴轄地方。距岸尙有八十里許。因港口水淺。軍艦吃水祇十九英尺。不能駛入。該商會總協理等乘小火輪來迎。到岸時已下午十一點。見商人羣集兩岸。提燈迎接。遂上岸住在商會內。衆商卽開會歡迎。演戲作樂。備極歡洽。聞該處出產亦以咖啡樹膠胡椒等物爲多。地大物博。礦產饒富。倘將來火車與星加坡連接。則交通更覺便利。商務尤形發達。自在意中。若於此時。在此經營商業購買地皮。種植樹膠。必獲大利。蓋因此時地價甚廉。每畝不過四五元也。

二十二日

早起。往見該處巫來由官。(卽蘇丹之弟)藉資連絡。一點乘小火輪離岸三點登軍艦。各商概巫來由官。均來送。且到軍艦參觀一切。該處爲華人開闢經營之地。多以種植爲業。該酋長待華商頗優。商會亦有權力。商會極盼內地官員每年都來撫慰。以壯聲勢。且足與酋長連絡感情。計在地華僑約有萬餘人。

二十三日

早七點。水滿起碇。開往檳榔嶼。本日行二百十四海里。寒暑表八十七度。晚遇一燈塔。在海中孤立。內有二層洋樓。工程極爲完固。(沿海燈塔專備夜裏行舟之用)此道爲赴歐一必經之路。故設立燈塔以備行海導線之用。在艙面乘涼。至十一點就寢。

二十四日

上午十一點到檳榔嶼。行一百三十二海里。由麻株巴轄到此。約有三百五十海里。領事戴君培元概商會總協理及衆商。均乘小火輪來迎。遂登岸。住戴領事家。時

天大雨。居頃開晴。同戴領事乘汽車到各處遊覽。山懸瀑布。景象絕佳。鄰近景物之美。無可比倫。足以怡情悅目。掃巖石而坐。土人以泉水獻吸。味極甘美。草木種類尤多。土人皮膚黝黑。口中喜食檳榔。故唇輒紅。四點回寓。戴領事已先時列筵以待矣。飯後商人胡榮保來寓邀請。到新街看電戲。各贈團扇一柄。聊作紀念。該處商務亦繁盛。日本妓館極多。日商無大營業。其規模魄力。遠不及華商。然日本現時極力經營擴充其海權。以圖商務之發展。中國若不維持保護華商。恐將爲日本後來者居上矣。倘我中國有實力保護。則商務所至。卽國權所及。雖爲外國屬地。而一切權利均操諸華商之手。況在外僑商。計有八百萬之多而熱心內附乎。

二十五日

午十二點偕同楊艦長往訪英參政司。適未在署留片而返。晚戴領事假平章會館。(平章會館係閩粵人公建者)開會歡迎。時天小雨。道路泥濘。艦中諸人。多半未到。酒畢。乘汽車到小蘭亭茶叙。陳設古玩甚多有似西湘劉庄。各色點心。非常

精緻。聞在地婦人。極講究此道。能於餅食。以糖搗花。五色玲瓏。使食之者。不忍入口嚼之。各種果實亦多。名目殊異。均爲內地所未有者。十點回寓就寢。

二十六日

早乘汽車遊覽極樂寺。距厲約二十里許。此寺在半山。歷數百階而上。至寺門。寺僧已拂衣恭候。卽引導而入。寺中有一池。內蓄團魚幾十尾。大如臉盆。寺人恒以溫菜飼之。庭中有石峰直立。陳寶琛梁啟超諸先生。曾有題字於其上。作爲紀念。寺主二人。一號茲恩。一號普明。皆福州古山僧人也。戴領事囑其特製素餐以嚮客。其滋味有似杭州西湖烟霞洞學信僧人所烹調者。用午膳後。乘汽車回寓。晚商會總協理亦假平章會館。開會歡迎。酒畢。乘汽車到海濱一遊。山水之秀。樹木之茂。若天開一幅圖畫。非人力所構造者。回厲時已十二點矣。

二十七日

早參觀學堂四處。各贈教科書及教育用品數十件。午卽登舟。英參政司來船拜送。四點啓輪。戴領事培元。附搭軍艦。同到日裏。後與其乃父會談。卽與之同行。

。本日行五十八海里。寒暑表八十八度。

二十八日

上午十點。到日裏。日裏爲蘇門搭臘島之一商埠。此島計分爲四部。一日日裏。二日亞齊。三日巨港。四日把東。計行一百十六海里。由檳城至日裏。距百八十里。行十五點鐘。到埠時。張侍郎煜南。號榕軒。偕其弟鴻南。號耀軒。及商會總協理。概衆商。乘小輪船來迎候。因水淺俟至下午三點。始能入港。港窄離岸十三邁下椗。張侍郎等改乘小輪船登岸。再乘換火車。約一點鐘之久。到棉蘭埠。棉蘭埠者日裏之內地商埠也。卽寓在商會。是夕開會歡迎。忠懇摯忱。見於言表。酒畢。乘汽車到各市遊覽。至宵分始返。

二十九日

早同張榕軒先生乘汽車往觀該處學堂。及博物院醫院各一所。此等機關。多爲張榕軒先生所創辦。查蘇門答臘。以粵人爲最多。和屬例禁繁苛。越境必先領有路字。下船必先領有海字。違者輒遭拘禁。節節不便。忍辱包羞。莫此爲甚。宜設

法蠲除。以蘇商困。且華商無嗣者。或嗣子年幼不能管理產業者。遺產多被其充公。及嗣子年長。欲領遺產。殊覺費事。有竟被乾沒者。此節華商損失無算。宜設法挽救及保護之法。此次有販買人口之風。俗名買豬仔。奸黠之徒。往往到內地誘騙人口售之該處。以供工作。大非保重人道之意。欲籌保護之法。我國非在此設立領事館不可。

三月初一日

早同楊艦長往拜利官。午後參觀製烟廠及種烟地方。此地產烟最富。價值亦廉。爲華商出口中之一大宗。四點往觀荷蘭人所設醫院。回寓後。適利官前來答拜。應接均如禮。晚張榕軒兄弟在其寓宅設筵相招。并參觀住屋。陳設精雅。比之王公府第。無能出其右者。張榕軒兄弟曾均任荷蘭國瑪腰及甲必丹官。（外國官名）故富豪如此。按荷屬設官三級。一曰瑪腰。（有世襲者）二曰甲必丹。三曰雷振蘭。皆以華人充之。管理華民。聞得是官者。往往倚仗外人勢力。殘害同種。而商人則吞聲忍氣。莫敢與較。我國政府急當擇地添設領事。裁除虐官虐制。商人等

庶有吐氣揚眉之一日。是夜酒酣。同楊艦長諸人在張寓留宿。

初二日

早起用冷水浴身。並不覺冷。浴後卽同楊艦長乘汽車出遊。見有一種土人。不似馬來人。言語亦另有音調。聞係明朝南征時。兵士留落在此。久久未歸。漸漸蕃衍。自成一種也。查蘇門答臘在南洋之西。華僑共約十二萬餘人。最大商埠曰日裡總轄十埠。土脈鬆潤。宜種烟苗。有烟園十區。每區用華工六百人至九百人之多。次則把東。把東在蘇門答臘之西岸。聞該地華工最苦。終日工作。有稍不如意者。則鞭撻交加。其華工多自汕頭廈門各處販賣而來。身價祇二三十元。工作以三年爲滿期。滿期後。又多方制限。以耗其財。使無振拔之日。故該地華工之能立業者甚少。商會亦無實權。在此南巡期限。祇有三個月。故不能繞道前往。卽將此次帶來外交部頒發和屬各島改良章程。檢出十冊。由商會轉寄把東。以省跋涉之勞。十一點由棉蘭乘火車回日裡。改乘小輪船登軍艦。是時張榕軒兄弟護送到艦。夜間四點開往星加坡裝載煤炭後。再行南巡爪哇各島。

初三日

晴。本日行二百四十六海里。寒暑表八十八度。晚與許雅威圍棋一局。

初四日

晴。早起以海水洗身甚爽。上午十一點到星加坡。本日行一百三十一海里。寒暑表八十七度。由日裡埠至星加坡。約有三百八十海里。行二十五點鐘。仍寓中華商務總會。晚至張弼士家。談叙少頃即回。

初五日

早起天氣煥煖。就浴後。在寓清理書牘未出門。午間腹痛。發有微熱。醫生來診。將通身用冷水沖洗。再用乾布磨擦。週身發汗後。乘汽車游海濱。盡興而返。病亦霍然。聞本地人每日恒飲白蘭地及呂宋烟少許。以除瘴癘之氣。

初六日

早起又以冷水浴身。午後赴各處參觀學校。聞南洋各埠小學堂極多。而中學甚缺。故學童小學畢業。苦無適當學堂遞升。加以荷蘭人乘機招致學童。練習彼國語。

言文字。竟將中文擱置。殆無人教授。大有用夷變夏之慮。亟宜設法勸學。使華僑注重國文。以激動內向之心。實爲當今之要務。晚薛中華先生等。在錦興花園開會歡迎。蓋爲閩浙商幫公宴。而廣幫之戴領事羅卓甫黃莆田等諸人。均未到。不意海外尙有省界區域之分。甚可歎也。

初七日

早起浴後。服金鷄那二粒。午時黃莆田招飲未去。下午乘汽車到楊雲史花園拍照。並作長時間之談話。渠出大利樹膠公司章程。及柔佛地圖。燒山伐木種樹工作各數片。成績可觀。按英屬三州府之樹膠公司。西人已有一百二十餘家。華商公司。僅此一家。卽楊君所創辦者。水陸交通甚便。土性亦甚肥饒。該公司建設在火車旁邊。轉運尤形便利。爲各公司之冠。且楊君辦理此事不講舖張。辦法切實。股分純爲華人資本。能獨立不倚外人。其志亦可嘉也。楊君雖在領事館辦事。對於地方實業。極有心得。將來辦理成效。必操左券。若再加推廣。不難與外人並駕齊驅。

初八日

早八點起。浴後。服金鷄那二粒。檢點行李。卽行登艦。十點啟輪離埠。本日行一百四十八海里。寒暑表八十八度。張弼士侍郎附搭軍艦同往爪哇。照料一切。晚與許稚威圍棋一局。至十一點就寢。

初九日

晴。本日行二百六十六海里寒暑表八十九度。下午八點軍艦經過赤道。艦身稍覺簸動。且艦窗上所置羅盤針方向。亦有差異。晚楊艦長備西餐暢飲。余以苦暈。未能染指。

初十日

早起浴身。仍服金鷄那二粒。傍晚迅雷暴雨。忽晴忽陰。轉眼萬態。足以徵天氣之酷熱矣。將到巴達維亞時。遙見一堤。嗣卽鳴砲二十一響。爲軍艦進港通例。軍艦停在堤外。已而利官遣一領港者。來導軍艦入港。見兩旁建築長堤。用塞門德土構造。甚屬堅固。高出水面丈餘。聞建築費在八十餘萬。蓋此處風浪衝激。

海面舟楫不得泊。和蘭人特建此巨堤。以障風潮。十一點到巴達維亞埠。商會總協理暨衆商來迎。遂一同登岸。寓閩人謝清規先生家。其樓上各房爲燕子構巢之室。聞每月出產。燕窩甚富。約值四千餘盾左右。是日先到中華會館參觀附設學校。外場係男生排隊歡迎。三呼萬歲。場內係女生。約百餘人。亦立正致敬。禮畢而返。查巴城多出產咖啡椰子胡椒蔗糖等類。該埠華僑約十萬人。在地多蚊蟲。俗呼之爲瘧蟲。以蚊多故易發瘧。本日行一百二十海里。寒暑表爲八十八度

十一日

早起應中華商會之約。假中華會館開歡迎會。商會總協理等致祝詞。趙仲宣致答詞。略謂政府此次派員來此撫慰。亦重視僑商之意。勉以固結團體。廣興教育。爲祖國增光。衆商鼓舞歡呼。聲震屋宇。酒畢。乘汽車到海濱一遊。本日渤良安及土甲巫眉概日惹萬隆安班瀾各處。皆來電邀請前往。又以巨港把東汶島各處。亦相繼來電敦請。但以時期短迫。未能遍歷。遂致函辭却。因此次行船期限祇有三個月也。查爪哇全島約分三區。(一)曰八打威。(二)曰三寶瓏。(三)曰泗水。

島形如弓。統轄十七商埠。全島火車交通甚便。出產亦饒富。爲各島之冠。其中著名商埠。曰梭羅。渤良安。日惹。土甲巫眉。統計商會十三所。學堂六十餘區。出產以糖爲大宗。華僑人口約二十八萬七千餘人。爪島之東南曰亞里伯全島。大小五十三埠。以望加錫爲轉運之口。土產爲米麥咖啡等。每年銷於歐州。年值利盾十兆。水產爲魚翅珠貝等。銷於上海廈門香港等處。年值利盾一兆以上。華僑人口一萬一千餘人。距望加錫三百四十海里。曰安班瀾。統轄十埠。華僑近萬人。距安班瀾南行一百里。曰答厘。統轄十六商埠。華僑約有六萬餘人。其西有洲曰婆羅洲。其著名商埠。曰坤甸。華僑近萬人。商會有審判之權。礦產富足。現在和人招致華工。開闢林礦等事。甚見發達。

十二日

早起冷浴後。服金雞那二粒。同諸友上樓參觀燕子構造燕窩。燕子甚小。每窩只容二小燕。其所吐出質白之物。卽燕窩。其結巢不擇所在。多在壁間。又有一種洞燕。較梁燕爲佳。此種燕窩價值較昂。洞燕多構巢於山洞島嶼之間。梁燕之窩

。每斤值十盾。或十餘盾不等。洞燕之窩。每斤約在二三十盾左右。然較內地已便宜多矣。晚乘汽車參觀博物院一所。以古石象爲最多。再參觀巴加塞中華小學堂一所。規模尙見宏大。分贈教科書及教育用品各數十份。是夕梁炳農假座謝宅招飲。所列肴品。多爲馬來人所烹調。却有異味。南洋羣島以蘇島及爪島兩處。華僑內嚮之情較殷。因和官虐待及限制章程較英屬各地爲嚴。亦因教育未普及。知識卑淺。又無固結團體。故多受人輕視。經營雖富。然財權均操自和商掌握。該處無中國商業銀行。故吃虧不少。甚爲可惜耳。

十三日

晨起早餐。桌位陳設各種點心。極見精美。本地婦女善能配製顏色。且手工極細巧。因檳榔嶼同本地婦人多講究此道。十一點往拜和官。并托其電致和蘭東印度總督。訂期接晤。下午二點。參觀學堂四處。分贈教科書及教育用品數十份。爪島天氣潮濕。前次軍艦到此時。艦中人多得病。約有二三十人。此次到此而船上又得脚氣病者十餘人。死者一人。聞泗水有傳染病。軍艦擬不前往。由火車到內

地各商埠一行。

十四日

早起和官遣人知照。和蘭總督。訂於十五日十點接見。晚與國人黃君乘汽車到磁碗行參觀。此行甚大。黃君即該行經理。磁器碗碟等。多有自歐洲運來者。余與談內地江西磁器甚好。料質精良。貨值亦廉。渠以在地無中國銀行。不便兌匯爲言。如果有內地各商業銀行。則山東繭綢。江西夏布。浙江紡綢。江蘇官紗。及一切日用所需。均可購運來此銷售。可知華僑非不好國貨。乃格於勢不能行耳。竊思華僑在此經商。所得每年不下數千萬盾。悉以寄之荷蘭銀行。和商得此巨資。經營各業。以抵制華商。且和政府多設苛例以限制之。我國內地待興之利。待闢之土。所在多有。又何必寄居異域。爲他族開荒地濬利源耶。其亦甚可悲已。

十五日

早乘電車到茂物埠。在中華會館小憩。十點往見和蘭總督。詳詢所到各處情形。並問擬在茂物就攔幾天。告以午後當即赴土甲巫眉埠。渠謂本擬是夕設讌款待。

既有土甲巫眉之行。未能強留云云。遂回會館。總督即遣秘書官前來答拜。午後赴土甲巫眉。查該處華僑約數千人。商埠不大。前次王幹臣先生到此。曾爲之改設商會。遂參觀商業各學堂。分贈教科書及教育用品數十份。是夕衆商開宴歡迎。席間宣道撫慰之意。衆商甚感。

十六日

早乘汽車赴萬隆埠。一點到埠。衆商擁至車站迎接。不下數百人。導觀各學堂數處。分贈教科書及教育用品。旋即到商會。接見各商董。查萬隆商務最形繁盛。四面多山。土質肥澤。華僑亦共萬人。出產以茶米爲大宗。晚間商界開會歡迎。閉會時已十二點矣。

十七日

早往觀華商陳金龍所設製造樹粉廠。午後四點由萬隆乘汽車回巴城。聞巴城爲爪哇一大埠。近來商務漸爲泗水所奪。勢力遂居泗水之次。其地產茶甚富。年出口之數。日漸增加。但茶種多來自印度。不及華種之精良。若內地於茶種能研究改

良。運銷此地。則獲利未可限量。晚楊艦長由船來談云。泗水附近之三寶壟地方。時疫盛行。泗水間亦有傳染之症。軍艦不便開往。遂議定軍艦仍泊三寶壟。由陸道往泗水埠。較見便當。七點張弼士先生在寓設讌招飲。中國菜外國食。頗見清潔。酒闌時。已夜深矣。

十八日

早起清理文牘。在謝清規府上用午餐後。下午二點鐘上軍艦。開往三寶壟。本日計行一百三十海里。寒暑表八十八度。三寶壟距巴城二百二十海里。行二十二點鐘。聞艦長談及日前軍艦停泊巴達維亞港口時。每日僑民登艦參觀者。成羣結隊。臨行時徘徊不忍舍去。足徵其愛國之誠。令人興感。

十九日

早起與許稚威陳寄塵圍棋各一局。上午十點到三寶壟。本日行一百十七海里。寒暑表九十度。商會總協理及衆商俱來迎接。同乘小輪船登岸。先到商會。後至馬厥猷家。馬氏爲在地瑪腰官。秩極尊崇。產業極富。蓄積千萬。其家建在山上。

余所住者。乃其花園之一部分。晚參觀學堂。內有男學生四百名。女學生五十餘名。女教習中有葉許皆閩人也。分贈教科書及教育用品數十分。卽回寓。

二十日

早偕楊艦長往拜和官。下午五點。和官來寓答拜。當日日惹商會亦派代表周楊（閩人）二君來三寶瓏迎接。午餐後。同馬厥猷乘汽車。到謝總理家坐談。聞前次楊杏城侍郎來時。曾寓其家。今年因足疾不能下山接待。極道歉忱。遂引車到馬厥猷家。庭院樓閣。裝飾整潔。庭中有假山小亭。排列精緻。登小亭一望。有曲曲欄杆曲曲花之態。在此吃茶點畢。又到黃仲涵家。（係世襲馬腰官）屋宇更極華麗。層累曲折。最後有大花園一座。三面依山。風景尤緻。廡中有西里伯馬八匹。汽車四輛。浴所廁所皆用雲南石製造。聞在地人言其家產值數千萬。有糖廠及輪船公司。餘業更不計其數。黃本爲漳州籍。因久居爪島。竟不能操鄉語。其女子與英國某商人結婚。已同其母往住英倫。晚八點商會開會歡迎。經溫語慰勉。衆皆歡欣。鼓舞擊掌。高呼萬歲。酒畢演放烟火。作兩軍艦相擊狀。因此次乘軍

艦。赴南洋群島撫慰華僑也。最稱奇巧。觀者如堵。聞製造烟火者。亦係閩人。前曾在南京勸業會。得有獎牌。今年在泗水特聘來隴。不惜重資。足見主人之敬客矣。

二十一日

早起在東園聚會。攝影留作紀念。十點鐘乘火車往日惹。一點到埠。是處商會特備和蘭樂隊。在車站迎候。隨即乘汽車到預備行台。建立花卉牌坊。稍用燕窩點心畢。到中華學堂參觀。內有學生百餘人。女生五十餘人。分班接見。依序致詞。加勉各生。旋奏愛國歌三次。臨行時女生携五色花片。迎擲客身。以爲歡樂。外國遇有慶祝。多擲花片爲歡。晚商會開特別歡迎會。結彩張燈。來賓不下數千人。林榕存觀察。演頌詞。總協理各呈頌詞二冊。

二十二日

早十點。乘火車赴文地蘭往觀石塔。卽三寶佛塔也。聞此塔有二千餘年。卽佛教肇興時所建。其南有海曰南海。卽老佛修禪練心之地。火車到文地蘭改乘四馬馬

車。同遊者爲趙仲宣。楊已三。周總理。及衆商董諸人。先到文地蘭學堂參觀。學生計百餘人來迎。舉欣欣然有喜色。茶叙畢。卽赴瞰石塔。塔在高山。攀車行二十里。馬以登高行緩。歷半點鐘之久。始至巔巍。然一極所望建築。方圍約有三里。基礎宏敞。漸高漸小。階級分明。儼如塔製。卽俗所謂三寶佛石塔者。時山雨如注。頃卽霽。余同諸友短衣背傘。盤登山巔。新雨初晴。濕氣甚重。石上青苔滑澀難行。領略佳景。歷階而下。山下有一客寓。爲和蘭人所造。以供游人憩息之所。周總理卽囑店主預備西餐。荷人出各種塔影照片求售。余及諸友各選購數十片。回寓已黃昏矣。晚林輅存假商會設筵招飲。極盡東主之歡。林君本福建諮議局議員。到此調查學務。事竣亦將回國也。

二十三日

早起。冷浴仍如例。服雞那二粒。僕人崔升偶發寒熱甚重。先飭其同楊艦長回船靜養。因船上有醫診治也。十點鐘搭火車行一點到梭羅埠。該埠僑商約三千人。衆商以樂隊在車站歡迎。卽乘汽車先到商會接見各董事。嗣後到中華學堂參觀。

并贈教科書及教育用品。堂中各生所授課程成績甚優。內有女生數十人。國文程度頗高亦可喜也。

二十四日

午往拜和官。同訂往見梭羅王。定於是晚九點鐘見梭羅王。聞梭羅王耽酒好色守府而已。治國實權。實操之和官之手。而和人卽利用其愚闇。以酒色禁錮其心思才力。和人之手段。亦毒矣哉。上午十點衆商集會歡迎祝詞行禮後拍照紀念而散。午後同總理乘汽車游觀各花園。及博物院。回寓已三點鐘矣。總協理卽開讌會飲。來商不下數百人。七點散席。和官照例來答拜。是晚同楊艦長及各員入王宮。見外有和蘭兵營駐紮。車到宮門。奏樂荷槍露刃兩立者數百人。梭羅王遣某親王先出迎導水晶殿。王在寶座起立行握手禮後。分坐左右。電光燦爛。殿下左右分列宮女數百人。王出中國二等第一寶星相示。曰此貴國皇帝前年所頒給者。並詢中國皇帝及攝政王安好。答覆如禮。旋令王子導游宮中。觀覽山上花園。夜間燃燈無數。明白如晝。山下鑿洞作室。極見冰冷。蓋爪島浩熱。特建此室以避暑。

也。在山亭小憩酌酒畢。又導至殿前。分坐少頃。王命宮女八人。背弓引射跳舞作樂。繼演文武大戲。嗣有茶點之集。王贈余鑽杖一柄。及王后相片各一幀。致謝而退。回寓已達夜半。

二十五日

早起浴身用藥如故。是日泗水商會派代表來梭羅迎接。十一點遂乘汽車。偕同前往。五點鐘抵該埠。總協理及衆商。至車站恭迎。同至商會。卽晚開會歡迎。門前有五彩電燈數百盞。構各花形狀。備極華麗。聞泗水商人分黨甚嚴。遇事互相爭執。殊有碍商務進步此當設法調和也。

二十六日

早往觀學堂二處。分贈教科書及教育用品數分。午後六點往拜和官。八點商會設筵招待。總協理等敬起致頌詞。晚開特別大會聘有利蘭庖丁製配菜點。啣杯相接。作如弓形。數百商董。咸集會讌。極其一時之盛。查爪哇共分三大埠。八打威爲最大。商會則以泗水爲最多。商務亦最繁盛。故商董亦多。酒畢同周又梅（閩

人）乘汽車遍覽泗埠。市上大肆雲連。極形饒富。道路宏坦。兩旁樹木頗見雅淨。島國自治之功偉哉。

二十七日

早七點。往觀和蘭政府所設華童學堂一所。分贈教科書及教育用品。十一點和官來拜。午後一點。乘汽車到多隆亞公埠。該埠有華僑千餘人。家多殷實。辦事具熱誠。因該處籌議設立商會。甚盼撫慰員一到。而贊襄其事。七鐘該埠商人皆到車站接待。遂往中華學堂即以學堂爲行轅。聞商會正在興工建築。已具呈報部矣。八點商會開會歡迎。仲宣致詞嘉勉。衆商皆感激。極表愛望祖國之心。令人起敬。禮畢閉會。

二十八日

早起本擬謝別他往。各商董均來挽留。意甚敦摯。余乃應所請。衆皆喜。十點同協理往拜和官。下午二時和官即來答拜。適天大雨。已而開霽。男女各生請拍照紀念。遂同集攝影。查此地多產雜糧。土性肥厚。花生果實尤茂。華僑約三千人

。臨去羅致穀種一大包。忠蘭五挂帶京。擬送農事試驗場陳列。以資研究。因北地無此佳種也。

二十九日

早用膳畢。乘火車由泗水回三寶瓏。下午二點到埠。先到商會休息。接星加坡商會電轉三寶瓏商會趙仲華鑒。聞軍艦初一到港。衆商連日雇小輪船到港口迎接。未見軍艦。衆商情切盼覆等語。居頃乘汽車到碼頭。改乘小輪船登軍艦。衆商有泗水遠送者。以相聚之歡。一旦言別。而又挽留不得。大有感惜之意。下午四點開往巨港。本日行七十八海里。寒暑表九十二度。

三十日

晴本日行二百五十一海里。寒暑表八十九度。較停泊時減三度。蓋舟行風速。熱度日減少耳。與許稚威圍棋二局消遣。

四月初一日

早起清理書牘。下午四點到巨港。本日行一百七十五海里。由三寶瓏至巨港。計

四百二十海里。約行二日。寒暑表八十九度。查港口離岸尙有八十英里。因是港水淺軍艦不能駛入。遙見小輪船一艘。停泊岸邊。相距甚遠。無從招致。彼此擱候一天。

初二日

早起天氣清爽。見港內停泊之一船仍在舊處。待至下午四點鐘。小輪船亦忽然他駛。而已不見。想必在三寶瓏時覆電未到。消息不通遂未上岸。卽開回星加坡。計守候二十四小時。本日寒暑表八十九度。

初三日

早起浴後與雅威圍棋一局。下午四點到星加坡。午後領事署曹君讓之。携來部電及家信多封。閱之至慰。軍艦在此添載煤水。尙有四天延閣。遂偕同商會諸人登岸。仍往商會。日前曾函呈部商辦三事。(一)協理周潤亭等派商人楊紹平赴雲南探勘可採之礦。以便集資興辦。請設法保護。并擬求堂憲電達滇督。轉飭辦理。(二)暹羅請設總會。其中所舉總協理議員多屬坡埠商會總協理之子姪兄弟充之。

藉通聲氣。以資聯絡。(三)此次擬往西貢一行。但出京時。未經咨請外務部。繕給護照。懇部咨行外務部。轉致法公使。電囑西貢總督優待。以便登岸。茲奉部電一一均如所請。即將此事宣示各商。衆均感戴。惟軍艦定初八日開往西貢。計日護照。恐不能到。卽於是日電稟到部。請速咨外務部。照會法公使。先行電達西貢總督。以便登岸。晚在楊雲史家暢談。旋即回寓。本日計行二百八十海里。寒暑表八十八度。

初四日

晚六點接巨港商會來電。謂初一初二兩日。備小輪船在港外迎接。未見軍艦。商情盼切。當卽覆電。告以軍艦在港外停泊一晝夜。彼此相左。實深抱歉。俟下次派員。再行前往等語。晚同商會林坐辦(閩人)乘汽車到海濱一游。飽吸新空氣。回寓時已深夜矣。

初五日

早九點往觀學堂八處。各分贈有教科書及教育用品。寧陽夜課學堂專教工人識字

以經費不敷。請捐助一欸。遂以一百元津貼費用。晚商會總協理廖正興開會歡聚。艦上官員。演樂張燈。至爲歡樂。

初六日

早九點軍艦帶林君來謁。告艦上水兵一名。日前患暑病勢危重。擬先設法上岸入病院調治。趙仲宣商之於余。隨即往領事署商辦一切。已而登岸。並將病人送入醫院。此院爲黃甫田協理所立。及中途病人已氣絕。卽於是晚八點入殮。黃甫田先生賜有卹金寄其死者家屬。楊艦長感醫院之仁德。爲之題額。曰心存濟世。又以四十兩托領事署書記官曹謙代作殮費。趙仲宣亦以四十元撫卹死者之家。身死異鄉亦可悲哉。

初七日

早七點楊艦長飭水兵一排上岸送護。行倒槍禮式。以誌哀悼。八點乘汽車往柔佛王都新山。參觀楊雲史所創辦大利樹膠有限公司建築。及種植樹膠地方。嗣又觀粵商新設廣肇惠醫院。午一點余君同慶招飲。來賓中多潮州商幫。未竟席又往應

過燦先生之請。爲江浙商帮公讌也。晚至羅卓甫各處辭別。擬明早離埠。開往法屬西貢。

初八日

早十點開往西貢。本日行一百七十三海里。寒暑表八十五度。由新加坡到此法屬西貢。距離六百海里。約行三日路程。在船上清理文牘。

初九日

是日晴。風平浪靜。在艙頂參觀行海地圖測量器及羅盤針甚屬精細。晚與鄭友益談故鄉事甚相得。本日行二百九十八海里。寒暑表八十六度。

初十日

早起與雅威圍棋。午到西貢港口。法屬升炮掛旗爲禮。西貢總督遣一領港者來導。四點進港。到碼頭時已深夜。聞商會距碼頭尙有十里許。商會總協理於夜間十二點來船接待。以天晚不及登岸。查該地以產米爲大宗。(每年可收成二次)碾米公司九家。主人大半是華商。每公司日夜碾米萬餘石。歲銷各國一千餘萬石。故

論越南華僑鉅商。除米商外無他種商業。本日行一百四十二海里。寒暑表八十七度。

十一日

早八點到商會。聞前次選舉總理時。因留任問題，微有風潮。茲值選舉初定。新舊交替之際。得部派員到埠撫慰。藉資聯絡。商情倍見歡洽。九點鐘偕楊艦長往拜法國越南總督。繼即往拜西貢巡撫。據云接法國駐京公使來電。謂我國派員到埠考察商務。甚爲歡迎。此處華人商會月前因選舉總理。頗有風潮。現已平靜云云。三點鐘法國西貢巡撫來軍艦答拜。越南總督亦派秘書官前來答拜。四點鐘商會開歡迎會。席間客主均有祝詞。勉以後當和衷共濟勿存畛域貽笑外人爲戒。衆商皆踴躍聽訓。盡歡而去。晚西貢總理等又假閩商黃蘇器廡中設讌款待。主人優禮有加。十二點鐘回軍艦。

十二日

早起用海水浴身。因港口水濁。帶有土質不宜浴也。小餐後同鄒友益高又欽常可

補李少東諸人。上岸遊覽花園內。附設各種動物。多屬熱帶所產。如蟒蛇象豹之類。居頃大雨沛然。轉瞬即晴。市購西貢米及法國酒多件。因在地價值極廉。貨品亦佳。市上所售肉桂亦屬精良。軍艦早十點離岸開往香港至二點出港口。天氣清爽。見兩旁山色尤佳。晚霞更妍。風景宜人。本日行九十八海里。寒暑表八十四度。

十三日

早晴晚陰。天氣清涼。海水鹹不宜浴。本日行二百九十六海里。寒暑表八十二度。晚與陳寄塵圍棋消悶。

十四日

晴。水平如鏡。時有飛魚踴躍。高來水面。黃昏時有黃鳥落船面。醫官翁文瀾捕獲而飼之。本日行二百七十二海里。寒暑表八十一度。天氣漸覺向冷矣。

十五日

早起。燂髮浴身。下午一點到香港。軍艦仍停泊九龍灣。由西貢至香港。距離六

百六十海里。行三日有奇軍艦在此。裝載煤炭。尙有三天就閣本日行一百六十八海里。寒暑表七十四度。

十六日

早起。微雨。道路泥滑。不欲登岸。在舟中清理文牘。午後天晴。同鄭友益李少東諸人到先施公司購買物件。該地洋貨鐘表以及一切食品。均極便宜。商務發達交通便利。貿易信用甲於各島。晚由吳理卿轉來家信數封。已決計回國後。請假一個月。入岳州省親。再行回京。

十七日

早起乘小輪船登岸。拜訪吳理卿。午應大清銀行陶某酒局。晚在陳麗生席間。得曹爵孫留字。知曹爵孫由外務部派充澳洲領事館書記官路經香港。見軍艦停泊港口。到此相訪。未遇。留片刻而去。余心中頗覺悵悵。酉回軍艦。又得爵孫留字。知渠在此。侯船已一星期矣。

十八日

鐘起八點。小餐後即乘小輪船登岸。到德厚碼頭東洋公司樓上訪爵孫。暢談四點早之久。午到石塘嘴澄天酒店。應謝君酒局。晚港商吳君兆芹。在樂陶陶酒店宴請。是夕爵孫亦在澄天酒店招飲。余未終席即赴爵孫之宴。余即明日啓行回國。然爵孫仍在此候船。不免有我北君南之感。臨行無以爲別。各贈相片一張。題序以誌此會。回軍艦時已深夜矣。

十九日

早九點啓輪開往上海。晚到汕頭。天微雨。船覺不平。聞海琛艦身窄而長。若受風浪衝擊。易於傾覆。是夜早睡。本日行一百四十五海里。寒暑表七十度。

二十日

是日遇天風。艦益搖。已而見兩旁山色險約。舟中人疑有颶風船機不敢快發。午十一點停泊廈門。以避風勢。本日行一百四十海里。寒暑表七十度。

二十一日

早起。同楊艦長諸人。乘小輪船登岸游覽。對岸即古浪嶼。商務亦最發達。將來

閩厦鐵路開通。回閩之路更見捷便。余丙午秋。隨家君入都不回鄉者已閱二十年。今重蒞此土。不有今昔之感。雖厦門距閩垣。尙有數百里。然風土人情則一也。而思鄉之念。不覺因之而起。

二十二日

早。大雨如注。已而開霽。正擬啓輪。忽見兩旁山色濛濛。而霧咸集。艙面不見人。每一秒鐘鳴汽管一次。以警告對面行舟者。少頃稍見分明。但聞海中亦有鳴鼓聲。詢諸艦人。知漁船走海。遇霧作鼓。以警衆也。

二十三日

早八點啓輪。開往上海。本日行二百七十六海里。寒暑表七十二度

二十四日

早到舟山。遇霧。卽寧波灣地方。海石林立。船不敢疾進。卽下碇停泊一天。聞走海者到此倍當留意。以其地多礁甚險也。

二十五日

黎明天氣稍佳。卽行過舟山。已而又遇大霧停泊。時時撞鐘鳴笛不已。蓋行遇霧則鳴笛。(卽汽笛)既停泊海中。則撞鐘以警告。本日行七十二海里。寒暑表七十一度。

二十六日

早六點啓輪前進。下午四點到揚子江口。在港外升國旗。用無線電。請領港者導入吳淞口。直抵楊樹浦時已夜闌矣。

二十七日

早起。八點清理文牘。檢查行裝。卽乘小輪船登岸。寓上海四馬路孟淵旅館。留滬三天。卽乘長江輪船抵漢口。與仲宣分別。余一人到岳州道署。晤家人。團聚旬日。卽行回京。

卓宏謀出版叢書

卓宏謀編 教育部審定 四版
 卓宏謀編 教育部審定 三版
 卓宏謀著 內務部立案 三版
 卓宏謀編 內務部立案 再版
 卓宏謀編 內務部立案 再版
 卓宏謀譯

中國歷史 世系圖考

中西歷年表

蒙古鑑

蒙古新區域圖

菊譜

中國財政之機危

南洋各島遊記

彩印每套計分四大幅每幅均列圖考係有按語其分爭割據起訖年代考據尤詳洵專書也
 詳載中國歷代建元年號與西歷紀元前後對照每頁均作百年適合一世紀誠為讀史要書
 鄙人於役蒙古就實地調查所及繪畫蒙古鑑一書計總圖二張分圖十六張影印四十張內分七卷曰地理曰人文曰實業曰自治曰內蒙曰外蒙曰附錄全書十七萬餘言誠等邊寶鏡
 一各旗盟區域均着以顏色使閱者一目了然
 二各區域均添註物產使國人注重移民實邊
 三各地高低以海陸均詳加標誌以便於行軍
 四經過各站路線鐵道均詳加標誌以便於行軍
 本書菊花種類計一百五十一種以黃白紅紫四色為區別雖屬盆花之列然能養成一種人生清高之志趣直不啻得一良師友也
 本書編自日本不二雄原著對於中國財政言之甚詳計分五編曰總論曰外債曰內債曰歲收曰救濟共三十一章一百零八節凡八十餘萬言誠整理中國財政之專書不可不注意也
 此書雖為遊記但對於各島僑情及商業狀況言之甚詳是以微僑商內嚮之熱誠矣凡留心僑務者不可不手執一編也

定價一元

定價四角

定價三元

定價一元

定價四角

定價五元

定價三角


以上各書總發行所在北平東城王駙馬胡同卓宅

民國十七年十二月出版

定價三角

編輯者 閩 侯 卓 宏 謀

印刷者 北平達智橋中華印字館



發行所 北平王駙馬胡同卓宅

三位
查
夏查
读
北
电